

**Bələ nii sagı tə,
Zwan
nə púpúní
Zwan bələ nii sagı tə yuu
wa sugu**

Lìù tə, v nə púpúní sagı kv tə

Lìà zənzən buja də, kv yi Zwezi karbiu Zwan nə púpúní kv. Zwan tə, v nə púpúní sagı tə don tə, mə v mù nə púpúní kv tə də. D yà boḡə v tìàn <nəkwia>.

Lìà tə nə, Zwan nə púpúní

Zwan púpúní sagı kv tə, v pa *Kərisə lià púlí don nə, kv nə wulə bwálí don nə.

Sagı tə wa sugu

D ja kv púlí təntə v boḡə <kan tə də v bia tə>. Kan təntə, Yu nə kúrí v tún, yi *Kərisə lià púlí don. Yá v bia tə dàñ nə yi Kərisə lià tə. D kàrì ba, sə ba ya cígá wa máḡá mama, sə ba soni duən. Kv tə nə súrí lá, v swìn ba con, sə ba cì ba tìàn nə də kunkvñ karnyına-ba, ba yà nə kàrì kunkvñ kàrà Zwezi-Kərisə yuu wa, sə ba ma ḡıgarı Kərisə lià duən ba duḡu.

Təntən jv̀nà bwálí

¹ À mù *nəkwia tə nə púpúní sagı kv tə, à pın n mù, kan tə də n bia tə nə. Yu nə kúrí mú v tún. À swə n də n bia tə də cígá cígá sonu.

Ku tà à cɪcɪ nə swə aba, ku ya à mù də lià tə mama, ba nə yèé Yɪ cígá cígá tə.

² Yɪ cígá tə wulə də nəba, ku ga wá ya də nəba máná də máná, ku nə ba zwèe.

³ Nə nyɪna Yɪ də ɔ biú Zwezi-*Kərisə wá twá də cígá də sonu, ba fwa pubwanɔ nə yɪra. Ba mù nə wá dəri nə yinəgə zənzən, ba ga pa nəba bɪcan sié.

Cígá də sonu yoo

(Zwan 13.34-35; 1 Zwan 5.1-3)

⁴ Á pùé poli zənzən, də à nə nì də, n bia tə duən zilí Yɪ cígá tə nii, ndə nyɪna Yɪ nə pɪn nəba nii yoo təntə yuu wa, sə nə ya nəɔ. ⁵ Yá síyún nə, à dàń lòrì ku tə, n mù kan tə con. Ku mù nə ya, sə nə sóní duən. Ku tà yodɔn yuu wa nii nə, à púpúní, sə à pa mú. Ku ya yoo tə, nə nə dí yáá, nə yèé ku jju mama yuu wa, nii. ⁶ Sonu yɪ won tə, ku bɪrɪ də, nə twá yoo tə nə, Yɪ nə pɪn ɔ nii tə ku yuu wa zəni. Á nəgə yoo tə, Yɪ nə pɪn ɔ nii tə ku yuu wa, á nə dí yáá á yèé ku jju mama, á ga mə, sə á twá ku nə zəni.

Á cia á tìàn nə də kunkun kàrà tìàn

(1 Zwan 4.1-6; 2.18-23)

⁷ Kunkun kàrà tìàn twi, ba sú lɔɔ tə nii. Ba mù ba sèe, ba swìn ba bɪrɪ də, Zwezi-*Kərisə yɪ ɔ nan Yɪ con ɔ bà, ɔ pa kan lɔrɪ wá tɪa yuu. Liù tə, ɔ nə ba ku yoo təntə swìn ɔ bɪrɪ, ɔ ya kunkun kàrà tíú. Ɔ ya liù tə, ɔ nə yɪ Zwezi-Kərisə duɲɔ. ⁸ Á dàń cia á tìàn nə, sə nə tutuɲɪ tə, nə nə dí yáá nə tɔn, dàn ká va tutu, sə á wàní á na ku ɲwírán mama.

⁹ Lìù tə mama, ʋ nə ba Zwezi-Kərisə kàrà tə nii zìlí zəni, máŋá mama wuuu, ʋ nə jén ʋ va yɨɨɨɨ, Yɨ təlɛ də ku tíú. Lìù tə, ʋ nə zìlí Zwezi-Kərisə kàrà tə nii zəni, ʋ wulə də nyɨna Yɨ də ʋ biú Zwezi-Kərisə, máŋá mama wuuu. ¹⁰ Də lìù nə twi á con, ʋ ga wà kàrà tətə ja bà á con, á dànà ká sèe, á pa ku tíú zɔ á diè wa. Á dànà ká jɨn wá tətə. ¹¹ Lìù tə, ʋ nə jɨn wá, ʋ mù də wá jə nimarɔ ʋ tɨtɨnkɨkwɨnan tə yuu wa.

Sagi tə yígúré sèràn

¹² À jə yìèn zənzən, à nə pìà, sə à swìn á con, yá à ga ba pìà, sə à púpúní tə sagɨ wa də púpúná mva. À buɨa, sə à tətə bà á con, sə à swìn á con də nii, sə ku pa nə pupwən tə nii sú cígá cígá.

¹³ N nubva* tə, Yɨ nə kúrí ʋ tún, bia tə, jònì mú.

* **1:13** 1.13 Nubva tətə yɨ *Kərisə lià púlí tə, Zwan nə wulə ku wa.

Yu sɔywáŋó sagɪ
Nuni, Southern: Yu sɔywáŋó sagɪ New Testament
Le Nouveau Testament en Nun

copyright © 1999 Wycliffe Bible Translators, Inc.

Language: Nuni, Southern

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 22 Sep 2022 from source files dated 8 Feb 2022

d18530a7-7259-5f23-92b6-70e3abe5f3fa